

آبونه شهر اعلیٰ

داخلی، خارجی هریر ایچون  
سنه لکی (۲۵۰)، آاقی آیلنی  
(۱۳۰) غروشدر .

[نسخه سی ۵ فروش ،  
سنه لکی ۵۲ نسخه در . ]

اداره خانه

باب عالی جاده سنده دائره مخصوصه

اخطارات

آبونه بدلی پشیندر

مسالکه موافق آثار مع المنونیه  
قبول اولنور . درج ایدله بن  
یازیلر اعاده اولونماز .

# الکتابخانه

دینی، فلسفی، علمی، ادبی هفتعلق مجموعه اسلامیه در

اتبعون اهدکم سبیل الرشاد

صاحب و مدیر مسئول  
اشرف اربیب

باش محرر  
محمد عاکف

والله یهدی من یشاء الی صراط مستقیم

عدد : ۳۸۳

۱۵ ربیع الاول ۱۳۳۷

پنجشنبه

۱۹ کانون اول ۱۳۳۴

جلد ۱۵

اخطارات

آدرس سیدیلنده آریجه بش  
غروش کوندر یلیدر .

مکتوبلرک امضالری واضح  
واوقونانلی اولسن و آبونه صبره  
نومسروسی محتوی بولنسی لازمدر .

ممالک ابنیه ایچون آبونه  
اولانارک آدرسلرینک فرانسه  
جهدده یازلمسی رجا اولنور .

پاره کوندر ایچی زمان نه به د اثر  
اولدیغنک واضحاً ییلدیلمسی  
رجا اولنور .

و تجارت الیمہ حیاتیہ دن متولد عواملک تحت تاثیرندہ کیتد کجہ درینلہ۔  
شوب کنیشلمہ در .

ایشته هب بو حقیقتلر جناب حقل خاتم الانبیاسنه وحی  
وتلقین ایتمش اولدینی بر قانون معظمتک احتوا ایتمدیکی احکام عالیہی  
قسماً تمثیل ایتمکده در : « فاقم وجهک للدين حنیفاً فطرة الله التي فطر الناس  
علیها لا تبديل لحاق الله ذلك الدين القيم ولكن اکثر الناس لا یعلمون . »  
فرید وجدی

کاشغر قطعہ سی و یعقوب خان

— ۳ —

یعقوب خان کاشغر شہرندہ جزوی بر مدت اقامتی اثناسندہ  
قلعہ لک تعمیر ، عساکرینک تربید و تنظیمی ایله اشتغال ایلمکده  
ایکن ختن حکمداری « حبیب الله خان »، خو قند حکمداری « خدا یار  
خان » ک حمایت سنہ کیرمک ایچون، مأموریت مخصوصه ایله مخدومی  
« ابراهیم خان » ی کوندریوردی . ختن شہرندن خو قندہ کیتمک  
ایچون مطلقاً یول اوزرندہ بولنان کاشغر شہرینہ اوفراق مجبوریتی  
واردی . ابراهیم خان کاشغر شہرینہ باقلا شنجہ یعقوب خان طرفندن  
دعوت اولنہرق حضورینہ قبول اولندی . یعقوب خان التفات و رعایتده  
بولونہرق ، بر چوقده هدایا احسان ایدرک نرہہ کیتمکده اولدینتی  
صوردی . ابراهیم خان ایسه مومی الیہ دن کوردیکی لطف و احساندن  
محبوب اولنہ کفایت مأموریتی کیزلمیوب آکلاندی .

حمایہ ایشنک کیرویہ قلمسی ابراهیم خانک اغفالیلہ حاصل اولاجنی  
کھی ، ختن شہرینکده بو واسطه ایله ضبط اولونہ جنفی یعقوب خان  
آکلایہرق خو قند شہرندہ اختلال اولدینتی ، حتی امرا و ضابطان  
عسکریہ دن برخیا یسینک کاشغر شہرینہ فرار والتجا ایلدیکنی ، بناء  
علیہ بیہودہ یرہ خو قند شہرینہ قدر زحمتک بر فائده سی اولمایہ جنفی  
بیاندن صکرہ ، بدر لری حبیب الله خانہ قارشنی غیا بآججتی اولدینتی سویلہ یرک  
ہر ایکی حکومتک اتفاق ایتملری تکلیف ایلدی . ابراهیم خان اتفاق  
موافق حال و مصلحت کوروب بو خصوصی بدینہ عرض ایلمکده ،  
حکومتینک اتفاقہ چالیشہ جنفی بیان ایتمی اوزرینہ مشارالیک برقات  
دها نائل احسانی اولہرق کیرویہ دوندی .

مومی الیہ ختن [۱] شہرینہ عودتینک سببنی بدینہ عرض ایتمدی :

[۱] چینیلرک لندن مسلمانلرک ختن شہرینی فصل ضبط ایتمش اولدقاری  
حقندہ بر پارچہ معلومات و بر مہی مناسب کوردک : ۱۲۸۰ سنہ ہجرہ سنندہ  
ختن مشایخندن « حاجی حبیب الله خواجہ » نک بیوک مخدومی « احسان خان »  
اعالی اسلامیہی چینیلر علیمنہ تشویق ایلمکده ختن شہرندہ کی چینیلری تحت  
محامریہ آلدی . چینیلر ایکی آی تدر اوزراندندن صکرہ نہایت ہر جہندن  
قطع امید ایدرک کندیلری اولدیرمشرلر ، صاغ قالا لرک بر قسمی ده مؤخرأ اسلاملر

یعقوب خانک اتفاق ارزوسندہ بولندینتی ، دنیاہہ بوندن بشقہ خلوق  
وملتقت بر آدم دہا اولیوب کندیسنہ پک چوق حرمت ایتمدیکی  
وہمان اتفاق ایلمسی لزومنی ایلمر و سوردی . حبیب الله خان ایسه کون  
کورمش و پک چوق تجربہ سی سبق ایتمش عاقبت اندیش بر ذات  
اولدینندن مقصدی در حال آکلای . « اوغلم ، یعقوب خان سنی اغفال  
ایتمش . مقصدی بزنی دامہ دوشوروب مملکتتمزی ضبط ایتمکدرہ دینہ رک  
در حال تدارکلی بولننی لازم کلنہرہ امر ایلدی .

چوق زمان کچمہ دن یعقوب خان ، ( ۱۰,۰۰۰ ) عسکرلہ ختن  
شہرینہ اون بش ساعت قدر باقلا شوب مناسب بر محلدہ اختفا ایتملری  
بوغچہ پردار ایلمہ محمود خواجہ دن صکرہ یارکند شہرینہ والی تمین  
اولنان « منلا یونس » ، امر ایتمدی . کندیسی دە ( ۵۰۰۰ ) عسکریلہ  
سرھتلی بر حرکت اجرا ایدوب شہرک اوچ ساعت مسافہ سنہ قدر  
صوقولدی . معیندہ کی عسکردن ( ۳۰۰ ) قدرنی آلیقوبوب کری  
قالانقہ اطرافہ کیزلہدی . بوندن صکرہ بر بندہ سنی سفارتلہ ختن  
شہرینہ کوندردی . بو ذات ختن حاکی « حبیب الله خان » ک حضورینہ  
قبول اولونجہ دیدی کہ :

— یعقوب خان اوغلکیز کال حرمت و تعظیم ایلمہ سلام ایدر .  
کندیلری چوقدن بری جانب ہجازہ عزیمت نیتندہ ایسہ لردہ ، کاشغردن  
ایسکا کلرندہ چینیلر ممالکمزہ دخول و فقراہی اہالیہی پایمال خیول  
ایلمہ جکی ملاحظہ سیلہ بوا ملنہ نائل اولہ مدقلرندن ، امام جعفر الصادق  
حضرتلری زیارت و بو قدر جق اولسون ایفای و حبیہ دیانت ایچون  
ایکی یوز کشیدن ہبارت معیت قیلہ سیلہ ختندن کچرک تریہ مبارکہ یہ  
عزیمتینہ مساعده بیورلمسنی نیاز و استرحام اییدیورلر . بو بابدہ  
لطف فرمان حکمداریلرینہ منتظر درلر .

حبیب الله خان برخیل دوشوندن صکرہ تکلیفی قبول ایتمک  
ایستہ مش ایسہ دە ، مخدومی ابراهیم خانک امنیتسزلک طوغری اولدینتی ،  
یعقوب خانک بوندن دلکیر اولوب اخذ انتقامہ مجبور اولہ .  
جنفی بیان ایتمہ سی اوزرینہ موافقت ایتمدی . شو قدر کہ تحقیق احوال  
ایچون ختن شہرینہ کلن سفیرلہ برابر اوغلی ابراهیم خانی دە یعقوب  
خانک نزدیک کوندردی . یعقوب خان مومی الیہی فوق العادہ بر حرمتلہ

طرفندن قتل اولنمش و پک آزی دە تحت اسارتہ آلمشدی . احسان خان ختن  
شہری جوارندہ کاش بوردک قاش ، قرہ قاش ، چبرہ ، کرہ ، اونیا ، زاوہ ،  
پالہ ، یس بوانی و ساژ دہا بر جوق شہر ، نصبہ و کویلری ضبط و استیلا ایلمہ  
چینیلردن قورتاردی . بوندن صکرہ اہالیہ ایچلرندن برینک « پادشاہ » نصبنی  
تکلیف ایتمی اوزرینہ عموماً اہالی مظهر اولدقاری بوغچہ موافقت کندیسنک  
علوحت و نمرہ غیرت و تشویقلہ حصولہ کلدیکندن احسان خانک انتخاب ایتمک  
بیان ایلمدیلر . مومی الیہ دە عموماً خطاباً : علما و صلحاءدن اولوب عقل و درایت  
و لطف عدالتی جلہ جہ مسام اولان بدیننی انتخاب ایتمدیکی جوا سویلمہ سی  
اوزرینہ در حال « حبیب الله خان » ہ بیعت ایلمشردی . ایشته آنفا ذکر اولنان  
حبیب الله خان بو ذات در .

« پدوم عسکرمله کلپور . اهالی به اعلان ایدیکیز : جمله مزاستقبال ایله سلامه طوره لم . شهرک ایچروسنده طیشاروسنده هیچ برکسه قالمسون . هرکس بولاره دیزلسون » دییه بر امر ویردی . اهالی ایله وکلا ایسه جامة ایکی حکمدارک اتحاد واتفاق ایتسندن طولایی فوق العاده ممنون اولمشاردی .

یعقوب خانک ( ۵۰۰۰ ) کشیک فرقه سی آلقاری تعالیمات اوزرینه یرلرندن حرکتله طابور ، طابور شهردن ایچرویه کیرمهک باشلادی . ایکی ، اوچپوز کشیدن عبارت ظن اولنان یعقوب خانک عسکری بویله بیکارجه ظهور ایتسندن طولایی هرکس شه لندی . کیرن عسکرله حیبابه خان سؤال اولوندی ایسه ده ، « آرقه ده در شمیدی کلرلر » جوابندن بشقه برشی اوکره نمدیلر . نهایت ختلیلر « حکمدارمن نه ایچون کلدی ؟ » دیه صورمالری اوزرینه ، یعقوب خان : « وفات ایلدی ، بیکابیت ایدیه جکسکیز » جوابی ویرنجه ، « حکمدارمنی ایستریه دیهرک شهرک ایچنده محاربه به باشلادیلر . بو محاربه ده کاشغرلیلر ازیلوب قوتدن دو شمش وبتون بتون محو اولمیرینه آز برشی قالمش ایکن ایتسی کون اون بش ساعتک ایلروده کی ( ۱۰۰۰۰ ) کشیک قوت یتشمکه محاربه یکیدن آلوله نوب قاسله سز اوله رق اوچ کون اوچ کیچه دوام ایلدی . ختلیلر قلیچ ، صویا ، بیچاق ، قضا طوره کی شیلرله اوته کینک بریکنک النده قالان تفنگلر ایله ( ۱۵۰۰۰ ) مسلح ومنتظم عسکره قارشو غلبه ممکن اولمیه جغندن ایچلرندن ( ۱۹۰۰۰ ) مظلومک قانیله اطرافک قان دریاسنه دوندیکنی کوردکدن صکره یعقوب خانه عرض اطاعت ایتدیلر . کاشغرلیلر بو محاربه ده قدر واعتسافده پک ایلرویه واردیلر . ختن شهرینه همان نیازی پک والی نصب اولوندی . معینته ده ( ۵۰۰۰ ) قدر عسکر ویرلدی . کاشغر شهرینه ایسه « مز بابا » نامنده کی ذاتی والی تعیین ایتدی .

یعقوب خان ختن شهرندن کاشغر شهرینه کلرکن یارکنده شهرینه اوغراددی . حیبابه خان ایله اوغلارینسک فرار و ختن ده اختلال چیقارملری مفلحوظ اولدیفندن ، هنوز اساس حکومتی تحکیم ایتدیکندن بزغائله نیک ظهوری بنای سلطنتک انهدامی وبقدر نفوس تلفیه ضبط اولمش یرلرکده الندن کیتدکدن ماعدا یکیدن برچوق کسه نیک ده قتلای موجب اوله جفی فکریله بونلرک اتلافی منلا یونسه امر ایتدی . اوده امری اجرا ایتدی . حیبابه خان ایله اوغلارینسک منزاری یارکنده شهرنده در .

محمد مسعود

استقبال ایدرکینه بر چوق هدیه لر تقدیم و کوزل کوزل سوزلرله اغفال ایلدی . ابراهیم خان عودتنده پدوم حیبابه خانه مشارالیه ک افادات و تأمیناتی سرد ایتدی و معینته اوچ یوز کشیدن زیاده آدم بولمیدیفی ده بیان ایلدی . بونک اوزرینه حیبابه خان « اویله ایسه او بزه کلر دن اول بز آنک یانته کیده لم و کوستردییی هبته مقابل کندیسنی اولادلغه قبول ایدم لم دیدی . مخدوملری و بندکانی ایله یعقوب خانک بولمیدیفی محله عزیمت ایتدی .

یعقوب خان مشارالیه کال حرمت و رعایتله استقبال ایلدی . حیبابه خانک اوتوز ، اوتوز بش کشیدن عبارت اولان بندکانی ده آرو آرو بر چادره مسافر ایدیلرینی امر ایتدی . پلان تمامیه حاضر لاندقندن صوکره بغته اوزرلرینه هجوم اولونهرق بندکانسک کافی ایدام اولوندی . ابراهیم خان ایله قرداشنک ه اللری آیقاری باغلانهرق حبس ایلدی . حیبابه خانک ایسه اللری آیقاری باغلا دقندن ماعدا اغزینی ده طیقادیلر . یعقوب خان ، حیبابه خان « مه رک زده ایسه همان شمیدی خبر ویر ، یوقسه تلف ایتدیررم » یوللی تهدیده بولوندی . بونک اوزرینه مشارالیه اوزرنده کی مه ری چیقاروب تسلیم ایلدی . یعقوب خان بر امرنامه یازیردی . حیبابه خانک مه ریله تمهیر و در حال ختن وکلاسنه کوندردی که مالی شو یولده ایدی :

« بوراده اشتراحتم برکالدر . ختن اوزرینه بر چین اردوسنک کلکنده اولدیفی حقنده یعقوب خان جاسوسلری واسطه سیله آلمش اولدیفی بر خبری بکا تبلیغ ایلدی . امرم بویله در که عسکرک نصفی سریمه جاوه شهری [ \* ] طرفه عزیمت وفاقلانه حرکتله چین اردوسنه مقابله ده بولهرق کیفیتی طرفه اشعار ایلسون . »

یعقوب خان ، حیبابه خان ایله مخدوملرینی بر شهریه بیدیروب حبسه آتلق ایچون یارکنده شهرینه کوندردکدن صوکره ، ختن شهرینک اون بش ساعت مسافه سنده براقش اولدیفی عسا کرینه سرعت ممکنه ایله کلری ایچون امر کوندردی . کندیسی ده آلمش کیشی ایله ختن شهرینه کیتدی . ختن شهرنده حیبابه خانک وکلا ووزراسی یعقوب خانک استقباله چیقدی . یعقوب خان آنلره : « پدوم حضرتلری اقا ، تکاهمه اشتراحت ایدیورلر . شهری کز مهک مساهده ایتدیلر ، دیدی . بونک اوزرینه رسم خوش آمدی بی اجرا ایلدیلر . یعقوب خانک آرزوسی اوزرینه جاوه شهری طرفه کوندریان عسا کر دن ماعدا شهرده قالان عسکری کوستردیلر . مشارالیه عسکرک انتظامی تمسین ایلدی . قنالی قفریق ایله یرلرینه ایسنی ویرمک اوزره موجود اسلحه بی بر محله بیدیروب کندی آدملرینک تحت محافظه سنه تودیع ایلدی . بوندن صکره ختن وکلاسنی خضوریته جاب ایدوب

[ \* ] چاره شهری ، ختن شهرینه فرق کونک مسافه ده کاشدر که بویله اوزاق بر موقع انتخاب اولمسی مخصوصدر .